

Protocol da la radunanza generala dals 3 december 2010, a las 20.30 i'l Cafè Sala

Tractandas

1. salüd dal president e s-chüsas
2. tscherna scrutinaduors
3. prelecziun dal protocol da la radunanza generala 2009
4. rapport annual dal president
5. rapport da la chaschiera e dals revisuors da quint
6. rapports dal schef da pista, schef da turas, president Super-G., delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. varia

1. salüd dal president e s-chüsas

A las 20.35 po il president Christian Poo salüdar a 22 commembers. S-chüsats s'han il schef da gitas Andri Poo, il schef da material Plasch Caviezel, Duri Valentin, Sonja Gartmann, Gianna Rauch, Domenic Bass, Chasper Alexander Felix, Georg Salomon, Anna Barbla Buchli, Johann Martin Taverna, Curdin Preuss, Cla Neuhaus, Michel Conradin e Marlies Zimmermann.

Il president fa duos correcturas a regard l'invid. El manzuna cha sül invid d'eira publichà il fos di da l'eivna, ma culla data correcta. El ha però publichà la data corretta illa chaistina dal club. Lura manzuna'l chi fetscha dabsogn eir d'ün'elecziun dal schef da pista.

La radunanza s'adozza per ün minut da silenzi in memoria da Richard Gartmann. El es stat plüs ons president dal club da skis.

2. tscherna scrutinaduors

Sco dombravuschs vain nomnà ed elet Chasper Buchli.

3. prelecziun dal protocol da la radunanza generala 2009

Il protocol da la radunanza generala 2009 es gnü tramiss insembel cul invid. El vain . approvà cun applaus.

4. rapport annual dal president

Il president Christian Poo orientescha davart arrandschamaints dal club d'ürant l'on scuors. Fich allegraivel es statta la partecipaziun al passlung dal club, davo ons cun 5 partecipants ed ons cha'l passlung ha dafatta gnü da gnir clomà giò causa mancanza da curriduors, as haja gnü quist on üna cuorsa cun 15 partecipants. 42 personas d'eiran a la partenza dal slalom gigantesc, bundant 40 personas d'eiran a la joslada da Vastur e las gitas cun gianellas sun eir gnüdas frequentadas bain. Plünavant manzuna el il rest da las occurrenz dal club: l'organisaziun dal passlung Martina – Scuol, il Super-G, la 27avla stafetta e la traversada dal Vnuost. In occsiun da la rangaziun da las cuorsas dal club es gnü festagià il giubileum da 90 ons club skiunzs Sent. Il president ingrazcha a tuot quels chi han sustgnü al club d'ürant l'on in üna o tschella maniera, plünavant ingrazcha el eir a

tschels commembers dal comitè ed a Cla Rauch pella pagina d'internet e spera d'avair sustegn cull'organisaziun dad arrandschamaints eir in avegnir. A tuot ils preschaints giavüscha el ün bel inviern, sainza accidaints ed el spera ad üna gronda partecipaziun als arrandschamaints dal club.

5. rapport da la chaschiera e dals revisuors da quint

Culla chascha dal club vaja bain. Il club ha pudü far ün guadogn da 301.70 fr. d'ürant l'on scuors e'l chapital agen importa uossa 22'992.70.- fr.

Ils revisuors da quint Duri Valentin e Domenic Bass han revis il quint. Quel vain fat bun cun dar dis-charg als organs responsabels.

La chaschiera manzuna cha pel mumaint haja il club 142 commembers.

6. rapports dal schef da pista, schef da turas, president Super-G., delegià Traversada e Stafetta tras Sent

Jon Buchli rapporta cha'l passlung haja darcheu pudü gnir manà tras cun 15 partecipants, al slalom han partecipà 31 curriduors ed al slalom gigantesc 42.

Il rapport dal schef da gitas e dal Super-G vegnan fats da Christian Poo, causa cha Andri Poo nun es pel mumaint in cumün. Id han gnü lö duos gitas, üna sül Minschun Pitschen cun 9 partecipants ed üna sül Davo Lais cun 5 partecipants. Eir quist on varan lö duos gitas, ils commembers vegnan intimats da verer la chaistina dal club e consultar la pagina d'internet.

Quist on ha gnü lö il 26avel ed ultim Super-G Champatsch. Dal 2010 s'han partecipats 77 skiunzs a quista cuorsa. Christian Poo ingrazcha a tschels commembers dal comitè dal Super – G, ad Andri Poo ed Andri Taverna ed eir als responsabels da las Pendicularas, rapreschantadas dad Andri Linsel. Las giaccas da funcziunaris stan a disposiziun per quels chi vessan jent da tour üna.

Il rapport da la Traversada vain preschantà da Georg Buchli. Cun quai cha la Traversada ha lö be mincha seguond on, vegna unicamaing manzunà cha quist on haja gnü lö la Traversada dal Vnuost cun üna partecipaziun da 12 indigens. La prosma Traversada da Sent ha lö als 2 lügl 2011.

Andri Gritti orientescha cha la partecipaziun a la stafetta tras Sent saja statta fich buna cun 21 squodras cun in tuot 106 curriduors. El ingrazcha a tuot ils agüdonts chi til han rimplazzà causa malatia, als tempaders, a Seraina Riatsch chi organisescha la gimnastica per as s-chodar aint ed ha Christian Poo, Gian e Nataglia Caviezel chi han surtut l'organisaziun principala. In tuot s'han partecipadas 788 personas ad üna o plüssas stafettas, pella 20avla jada da la partida d'eiran Christian Poo ed Annina Sedlacek e per la 10avla Gianna Hugentobler, Marina Jann, Seraina Riatsch e Marino Scandella. La data da la prosma stafetta vain fixada süls 17 gün 2011.

7. mutaziuns ed onurificaziuns

Dumondas per nouvs commembers nun haja dat ningünas, eir na annunzchas da sortidas.

Irene Roner, Jachen Zanetti e Cla Neuhaus vegnan onurifichats sco commembers veterans cun quai chi fan part 25 ons al club da skis da Sent, Evar Zanetti e Michel Conradin fan part 40 ons dal club da skis da Sent. Ad els pertocca sinceras gratulaziuns.

8. tschernas

Davo cha Adriana Preuss vaiva express fingià plüssas jada il giavüscha da's retrar dal comitè s'esa i in tscherna dad eventuals successuras ed i s'ha gnü la furtüna da chattar a Martina Weiss chi'd es gnüda eletta cun applaus. Il president surdà ad Adriana Preuss ün regal per tuot sia lavur ch'ella ha prestà a bön da nos club. Eir tschels commembers da la

suprastanza vegnan reelets. Chasper Buchli rimplazza a Domenic Bass sco revisur da quint.

Il nouv comitè guarda oura seguaintamaing:

president:	Christian Poo
actuar:	Mario Rauch
chaschiera:	Martina Weiss
schef da pista:	Jon Buchli
schef da turas:	Andri Poo
schef da material:	Plasch Caviezel
revisurs da quint:	Duri Valentin e Chasper Buchli

9. fixar contribuziun annunala

La contribuziun annuala vain fixada sùn 25.- fr. per personas sainza commembranza da Swiss-Ski. Ils commebers cun commembranza da Swiss-Ski pajan 50.- fr. In tuot as haja 30 commembers cun commembranza da Swiss-Ski, tanter oter sto esser almain ün genitur da commembers da l'OJ aint il Swiss-Ski. Sainza commembranza da Swiss-Ski nu's survgnissa ningünas licenzas. Hozindi ston eir uffants chi fan cuorsas da Swiss-Ski avair üna licenza.

10. program da l'on

Il program da l'on es gnü protramiss. La joslada our il Restorant da Muntogna ha gnü grond success ils ultims duos ons e vain organisada eir al principi dal 2011. Tschels müdamaints sun fingià gnüts comunicats i'l pled dal president.

11. Varia

L'OJ Motta Naluns e l'OJ da passlung tscherchan manaders. Pel mumaint fan part ca. 50 uffants da l'OJ da passlung Valsot e bod tants da l'OJ alpin Motta Naluns. A tuot ils manaders pertocca ün sincer ingrazchamaint.

Il president manzuna chi darà alch cuosts per novas stangas da l'OJ chi staran gnir rimplazzadas. Ils cuosts vegnan surtuts dals clubs da skis Sarsura Zernez, Ftan, Lischana Scuol e Sent.

Il president e'l schef da material han rumi il magazin.

La società da promoziun Regiun Parc Naziunal ha gnü grond success eir da la vart finanziaria ed ha pudü serrar seis quint cun ün pitschen guadogn. Salüdaivel es chi han pudü tgnair als sponsurs gronds. L'on passà han profità las seguintas atletas e'ls seguints atlets da Sent da quista società: Severin Dietrich, Gian Fadri Linsel, Arina Riatsch, Fabiana Wieser, Fadri Riatsch e Marlies Zimmermann. Fabiana Wieser banduna però il club da skiunzs Sent e farà part in avegnir dal club skiunzs Sarsura Zernez.

Cla Sarott intimescha da far in avegnir la rangaziun dals uffants direct davo la cuorsa sülla Motta Naluns, uschè vessan ils creschüts daplü lö la saira e pudessan eventualmaing far üna pitschna festina. Plünavant quinta el üna cuorta episoda da plü bod da l'anterior commember Reto Luppi, dal qual ha gnü lö il funeral al di da la radunanza.

A las 21.30 serra il president la radunanza.

L'actuar

Mario Rauch